

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**SARAJEVO**

Broj: 02-14-4-6153-3/19

Datum: 13-12-2019

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19 i 31/19), člana 69. stav 1. tačka b) i stav 2. tačka d), a u vezi sa članom 70. stav 1. i 4. Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-14-4-2625/19 od 13.05.2019. godine i Rješenjem broj: 02/5-1-14-4-2625-1 od 30.08.2019. godine, u postupku javne nabavke hrane za odrasle službene pse, putem konkurentskog zahtjeva za dostavu ponuda, policijski komesar Uprave policije Ministarstva unutrašnjih poslova Kantona Sarajevo, d o n o s i:

**ODLUKU**

**O PONIŠTENJU POSTUPKA JAVNE NABAVKE HRANE ZA ODRASLE SLUŽBENE PSE**

**I**

Poništava se postupak javne nabavke hrane za odrasle službene pse za potrebe Uprave policije Ministarstva unutrašnjih poslova Kantona Sarajevo, pokrenut na osnovu Odluke broj: 02-14-4-6153/19 od 18.11.2019. godine i Obavještenja o nabavci broj: 16475-7-1-101-3-104/19 od 20.11.2019. godine, iz razloga što nije primljena nijedna prihvatljiva ponuda.

**II**

Ova Odluka stupa na snagu danom donošenja.

**Obrazloženje**

Na osnovu Odluke broj: 02-14-4-6153/19 od 18.11.2019. godine i Obavještenja o nabavci broj: 16475-7-1-101-3-104/19 od 20.11.2019. godine, proveden je postupak javne nabavke hrane za odrasle službene pse za potrebe Uprave policije Ministarstva unutrašnjih poslova Kantona Sarajevo, putem konkurentskog zahtjeva za dostavu ponuda, uz primjenu e-aukcije, s namjerom zaključivanja okvirnog sporazuma na period od 12 mjeseci.

U postupku predmetne javne nabavke Komisija je blagovremeno i pravilno organizovala otvaranje ponuda, o čemu je sačinila Zapisnik broj: 02-14-4-6153/19 od 03.12.2019. godine.

Prema Zapisniku sa otvaranja ponuda broj: 02-14-4-6153/19 od 03.12.2019. godine, za aktivno učešće u postupku dostavljen je ponuda ponuđača: Bečka priča d.o.o. Sarajevo.

Komisija za sukcesivne nabavke za potrebe Uprave policije izvršila je pregled i ocjenu dostavljenih ponuda te sačinila Zapisnik o pregledu i ocjeni ponuda broj: 02-14-4-6153-2/19 od 12.12.2019. godine, kojim je utvrdila sljedeće:

- da je ponuda ponuđača Bečka Priča d.o.o. Sarajevo nepotpuna i ne ispunjava uslove tražene TD-om. Naime, navedeni ponuđač dostavio je ponudu koja nije čvrsto uvezana, na način kako je to definisano tačkom 18. tenderske dokumentacije na strani 8.: „Ponuda se čvrsto uvezuje (ukoričena u

knjigu ili uvezana jamstvenikom) na način da se onemogući naknadno vadenje ili umetanje listova.“. Ponuda je dostavljena u fascikli sa mehanizmom, bez jamstvenika.

S obzirom da ponuda nije dostavljena u skladu sa Zakonom o javnim nabavkama BiH, Uputstvom za pripremu modela tenderske dokumentacije i ponuda i tenderskom dokumentacijom ista nije ni uzeta u razmatranje od strane Komisije.

U postupku donošenja ove Odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka o poništenju postupka nabavke data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, primjenom člana 69. stav 1. tačka b) i stav 2. tačka d) Zakona o javnim nabavkama („Službeni glasnik BiH”, broj 39/14), riješeno je kao u dispozitivu.

#### POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi, putem ovog Ugovornog organa, u roku od 5 (pet) dana od dana prijema ove Odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14).



**POLICIJSKI KOMESAR**  
**Generalni inspektor policije**

**Nusret Selimović**

#### **Dostaviti:**

1. Sektoru za materijalno-finansijske poslove
2. Odjeljenju za odnose s javnošću, radi objave na Web stranici ovog organa
3. Ponuđaču u postupku
4. a/a